

# TOUCHER

CENTURION ROLBALKLUB

CENTURION BOWLS CLUB

[www.centurion.bowls-club.co.za](http://www.centurion.bowls-club.co.za)

[secretary@centurion-bowls.co.za](mailto:secretary@centurion-bowls.co.za)

## NUUSBRIEF / NEWS LETTER

Julie/Augustus

2022

July/August

Winter is die seisoen van genade EN  
Winter vra dat ons by mekaar sal stilstaan.

### ALGEMENE JAARVERGADERING / PRYSUITDELING: 20 AUGUSTUS 2022

Hierdie verrigtinge vind op een dag plaas. Ons sal om 12h begin met die prysuitdeling, dan tee en daarna die AJV hou. Agterna kan almal gesellig saam kuier met iets te ete.

Daar is ook nominasielyste beskikbaar op die toonbank vir die nominasies van ampsdraers vir die verskillende komitees en poste. Ons wil dit op elke lid se hart druk om hierdie baie belangrike vergadering, waar belangrike besluite aangaande die klub se welvaart, geneem word, by te woon. Lees asseblief die Klub se Grondwet, bywette en reëls. So sal jy met insig jou stem kan uitbring.

*Being needed feeds the ego being valued feeds the soul.*

### BANE

Ons bane is baie uitgespeel aan die kante en ons vra dat die leie die mat so sal posisioneer dat dit nie op die kaal kolle is nie. Plaas die mat asseblief 'n meter dieper in.

*The world is full of willing people, some willing to work, the rest willing to let them.*  
Robert Frost

### LEDEGELD:

Noodgedwonge sal die ledegeld vir die nuwe seisoen verhoog moet word. Tydens die AJV sal voorstelle vir u goedkeuring voorgelê word. Ledegeld moet teen einde Oktober betaal wees. Spesiale reëlins vir afbetaling kan met die Tesouriere getref word - Marieta Fourie  
082 776 7151

## **BEDANK AS LID**

Indien jy as lid wil bedank moet jy dit asseblief doen, voor die AJV maar nie later as 2 weke na die AJV nie. Indien nie, gaan jy verantwoordelik gehou word vir die volgende seisoen se ledegeld.

**Soms is dit nie die persoon wat verander het nie, dis net sy masker wat afgekom het**

## **LIEF EN LEED**

Hermien ons wens jou sterkte toe met jou herstelproses na die heupvervanging. Makeer die pas stadiger en ons vertrou dat jy gou en volkome sal herstel.

Gert Cloete het 'n knieervanging ondergaan. Sterkte met die herstelproses en ons hoop om jou vroeg in die nuwe seisoen weer op die bane te sien.

Piet Schutte het 'n arthroskopie op sy knie laat doen en speel weer volstoom. Ons is dankbaar jou probleem is so gou opgelos.

Hennie Haupt Meaker en Elize du Plessis ondergaan op die oomblik toetse. Sterkte, ons dink aan jou.

Aan almal wat so sukkel om die nare wintergriep af te skud, beterskap.

Swaeltjie Daan het by Die Eiland te lekker nes geskrop en sodoende sy been so seergemaak dat hy moes steke kry. Sterkte Daan.

Susaar kuier vir 'n paar weke by haar kinders in Amerika. Geniet die weersiens Susaar. Dis kosbaar.

Tertius kuier ook by sy kinders in Amerika. Geniet dit Tertius.

Kobus sukkel nog met sy rug en speel glad nie meer.

Bosman en Willem gaan die einde van die maand sterre kyk in die Kambro. Geniet dit en kom met sterre in julle oë terug.

**For those who believe, no proof is necessary.  
For those who don't believe, no proof is possible.**

**Hulle TABS is altyd in:** Die gedenkplaatjies is gehang deur gesinslede van ons afgestorwe lede en hulle is met deernis onthou.

Daan Taljaard, Hettie vd Merwe, Eugene v Rensburg en Chris Carstens.



Life is like a race, aim for gold.

Baie dankie aan almal wat elke eerste Dinsdag van die maand die **BOEREWORSLOPIE** so goed ondersteun. Inskrywingsfooï is R30 en jy staan 'n kans om 'n kg. boerewors te wen, sonder dat jy hoegenaamd die wenner was. 'n Feestlike atmosfeer heers - kom net en geniet die oggend. Baie dankie aan Leon wat die pryse borg en sorg dat dinge vlot verloop.

Met **KANSADAG** het 'n feestlike stemming, met 80 spelers op die bane, geheers. Baie dankie aan Leon en almal wat agter die skerm gewerk het om van hierdie dag 'n spesiale dag te maak. Dit was 'n reuse sukses en natuurlik ook 'n groot inspuiting vir ons finansies. Baie, baie dankie aan almal.


The biggest difference between money and time: You always know how much money you have but you never know how much time you have. Enjoy every moment of your life!

## LIGA


Die liga het vir die **mans** se spanne op 'n hoë noot geëindig.



In die tweede liga eindig hul 3de  
10 inskrywings



In die 5de liga eindig hul  
4de uit 10 inskrywings



In die Reserwe liga  
4de uit 8 inskrywings

Die **dames** het minder goed gevaar.

In die eerste liga eindig hul 10de uit 10 inskrywings,

In die Derde liga, Centurion 11, 11de en Centurion 111, 12de uit 12 inskrywings.

Die 2022/23 Liga seisoen begin reeds in Oktober. Begin nou reeds oefen en maak jouself beskikbaar om deel te neem. Kan ons die mikpunt stel om minstens 3 plekke op te skuif in die onderskeie Liga Afdelings? Die potensiaal is daar!

## KAMPIOEN VAN KAMPIOENE-TOERNOOI

Tillie en Herman het die klub verteenwoordig in hierdie toernooi en veral Herman, het besonder goed gevaar en twee van sy wedstryde gewen. Tillie sê dit was vir haar 'n goeie ervaring en Tillie soos ons jou ken, weet ons jy kon net jou beste gegee het. Welgedaan, ons is trots op julle twee.

## GAUTENG OPE



Jaco Immelman wen 2 van sy wedstryde in sy afdeling. Baie geluk Jaco en dankie dat jy ons klub se naam so hoog gehou het.

## NOVICE TOERNOOI TE WINGATE

Jaco en Maria het 12de geëindig in hierdie toernooi waar 60 pare deelgeneem het. Baie geluk, julle is uitblinkers.



Die "SWAELTJIES" het ook uitstekend gevaar by Die Eiland. Thea en Estelle behaal 3de plek in die dames pare en Johan en Hennie die 3de plek in die viere



**No one is pure and perfect. If you avoid people for their mistakes, you will be alone in this world. So judge less and love more.**

## Kleinjan

Môre Ma

Ek sê maar vining môre want ek moet iets sê voor ek dit vergeet.

Ek moet vir ma vra om asseblief vir my daardie paar skoene wat oom Antoon vir my van die ystervark vel gemaak het te stuur. Ma kan dit sommer met Postnet koerier. Ek sal die geld vir ma in ma se rekening inbetaal as ek my pay die end van die maand gekry het.

Kyk in die agterste gangkas. Ma sal hulle daar kry. Ek sal die puntjies van die linker skoen wat so krap probeer uithaal of ek sal vir Erens vra om my te help. Ek dink hy het 'n skerp bek tangetjie.

Die rede vir die skoene is, is omdat hulle sole plat is en ek mag hulle vir rolbal gebruik. Die tweede rede is, is omdat oom Kas en oom Daan ook wilde skoene dra. Hulle is ou jag maats. Hulle het verlede maand 'n albinou krokodil geskiet. Dit is een van daardie wittes wat 'n mens nie baie kry nie. 'n Krokodil is mos ook 'n wild.

Oom Kas ken iemand wat skoene van krokodil velle kan maak. Hy en oom Daan het nou elkeen so n wit paar. Hulle noem dit Kroks en dit maak nie hulle voete moeg nie.

Oom Kas is baie imposant. Ma moet nie vir my vra wat dit beteken nie want ek self weet ook nie. Hy sê hulle het van die krokodil se vleis ge braai. Dit smaak amper soos hoender, net heelteemal anders. As n mens n krokodil se ingewande uitgehaal het is hy nie meer so wreed nie. Hy is dan meer bek as binnegoed.

As ma kan sal ma asseblief ook vir oom Antoon vra as hy daardie twee kommetjiesgat muishonde wat so by die hoenders pla, geskiet het, hy nie uit hulle se velle vir my n paar skoene kan maak nie. Ek sal daardie skoene kan dra as die New Zeelanders en die Astralieaners hier by ons kom rolbal speel. Ek was mos nog altyd vir die All Blacks. Die swart en wit sal mooi lyk. Die stert van n kommetjiesgat is mos mooi wit en lyk soos n All Black varying

Ek wil nou vir ma iets baie geheimsinnig vertel. Ma moet dit asseblief nie vir tannie Grootlieg van Leliespruit vertel nie want dan weet almal gou daarvan.

Iemand wat 'n Koutche is het my vertel dat sy met iemand gepraat het wat ook 'n doktor is en beeste goed ken en dit is baie interessant. Hulle het lank terug voor die land in die nuwe bedling gekom het, nuwe beeste gemaak. Hy en sy ander slim maters het n amper pa Brahmaan bul by n amper ma Hertsofert koei laat slaap. Daar het toe n kleintjie van die koei gekom wat heeltemel 'n nuwe bees was. Dit is nou n Brafert. Nie soos in die lorries wat ons in die army gehad het nie. Jy kan ook nie sommer die beeste laat rondslaap soos hulle wil nie want dan kry jy nie Breferts nie. Jy moet mooi kyk na die bul se postuur dat hulle goed is en die koei moet n mooi uier hê.

Die Koutche sal nie vir my lieg nie want die koutche is eerlik en het ook soos dokters 'n eed van Hipotesis. Ek het vir haar gevra wie die doktor is want ek wil vir hom vra hoe moet ons maak om ons agtergeblewende bokke wat ons nou nie meer op hulle regte naam mag sê nie, in nuwe bokke te kan maak nie. Sy sê vir my sy mag nie want sy moet by die Hipotesis hou.

My kar se linker agterwiel het n slou panksur en ek moet elke tweede dag pomp. Ek worry nie om bietjie te pomp nie. Dit help met die skouer spier waarmee ek mos lankal sukkel.

Die fliekers is ook nou reg. Die elektriesen van die karre was weer soos altyd baie behulpsaam om te help. Hy het my maar R50 gevra en 'n bier by die kroeg. Ek kry nog my dop verniet.

Ek groet al die groot honde as ek die vier kilometer aanpak. Ek vryf hulle koppe. Hulle is almal groot soos tussen 'n Great Duin en 'n Klein Duin. Hulle sal my nie byt nie want ek byt hulle ook nie.

Ek dink die wit hond op die hoek het 'n hele bees geeet want ek sien net nog 'n kloukie van 'n bees in sy jaart lê.

Ek het nog baie dingetjies om vandag te doen. Ek gaan ons spanne vanmiddag kyk wat liga speel. Dit is teen ander klubs se spelers en is baie belangrik. Die wenner kry die meeste punte en kan dan aan die einde van die sysoen die beste span word. Ek weet nog nie mooi hoe

werk dit nie want hulle tel bietjie anders as wanneer ons gewoonweg speel.

Ek het toe die rugby ook gekyk by 'n vrind en sy vrou se huis. Daardie outjie van die Sharks wat soos 'n nagapie lyk, wat altyd pale toe skop was baie af. Hy het niks oor geskop nie. Lyk my hy sal sy sokkies moet optrek.

Weet Ma ek dink baie lede by die klub is familie want as hulle op die baan gaan om te speel moet hulle name op die bord geskryf word as lei, tweede, derde en skip, As ek bv. vra wie speel tweede of derde sê almal Ekke. Dit moet 'n familienaam wees, net soos ons familienaam Jan is. Wat dink Ma?

Ek werk hierdie week nightshift.  
Onthou asseblief die skoene.  
Sê groete vir almal en ek verlang baie

Klein Jan

**Moet nooit iemand op sy baadjie takseer nie. Baie keer klop die mooiste hart in 'n verslete jas.**

## **VERJAARSDAE**

Baie geluk aan almal, mag jou nuwe lewensjaar gevul wees met oorvloedige seën.

**Die beste aspek van die toekoms is dat dit een dag op 'n slag kom.**  
Abraham Lincoln

## **VERJAARSDAE IN AUGUSTUS**

- 1 Daan Opperman
- 3 Mike Heyns
- 9 Sue Render
- 11 Gerrit Kamper
- 15 Dorina Du Plessis
- 15 Martin Snyman
- 18 Bessie Oliemans (vriend)
- 21 Piet Schutte
- 22 Susaar v Rooyen
- 23 Brian Kleingeld
- 27 Zinda Muller
- 27 Werner Klerck

**Difficult roads often lead to beautiful destinations. So, the best is yet to come**

## **VERJAARSDAE IN SEPTEMBER**

- 1 Gert Cloete
- 1 Frans Human
- 2 Naudene Ward (vriend)
- 3 Anita Beukes
- 5 Thina Stern
- 19 Andries Noëth
- 22 Christa Roux
- 25 Bets du Plessis
- 26 Kobus Nieuwoudt
- 28 Jaco Immelman
- 30 Koos Moolman

**"Life itself remains a very effective therapist."**

## **Diensrooster vir Julie en Augustus 2022**

**Speeltye: Dinsdae en Donderdae oggendspel 09:15 vir 09:30 en Saterdag middagspel 13:15 vir 13:30**

Pligte vir mans sluit die volgende in: Uitsit en merk van bane, hys van vlag (en stryk na spel), uitsit van drink water en loting van spanne

Pligte vir dames sluit in om Liezel te help in die kombuis indien sy hulp benodig en **bereid** wees om te help in die saal indien deur Bestuur versoek.

Indien jy op n spesifieke dag/maand nie jou diensbeurt kan nakom nie is dit **JOU** verantwoordelikheid om uit te ruil of iemand in jou plek te kry.

**Sameroepers moet asb onderling reël.**

### **Julie 2022**

**Sameroeper Mans:** Ben Bonthuysen 082 824 3703

- Conrad Greve
- Andries Noeth
- Koos Schoeman

**Sameroeper Dames:** Dawn de Beer 082 323 8820

- Adri Greve
- Judy Ralph

## Augustus 2022

**Sameroeper Mans:** Brian Kleingeld 082 868 3529

- Bruce Austen
- Jorrie Jordaan
- Japie Horn

**Sameroeper Dames:** Linda Kleingeld 072 916 3617

- Cathy Austen
- Rina Meyer

## VAN WAAR GEHASI?



### **Johan le Roux**

Gebore op Potchefstroom, 1959, Wes Transvaal. Grootword jare in Kroonstad, in die Vrystaat. Matrikuleer in 1976 by Afrikaanse Hoërskool Kroonstad en was die eerste leerling in die Vrystaat wat musiek prakties, met 'n instrument, anders as klavier, te doen. Ek speel die Tromboon (Skuiftrompet).

Na skool aangesluit by die weermag en by die Vloot orkes uitgekom, waar ek opleiding as Tamboer Majoor ontvang het.

In 1981 is ek na Pretoria Universiteit om B. Prok te studeer. Tydens my leerklerkskap by Klagbruns Prokureurs het ek besef die regte is nie vir my nie en het ek teruggekeer na die musiek wêreld toe.

Aangesluit by Lugmag orkes en oudisies gedoen vir musikant groepleier asook bevorderings kursusse tot Adjudant offisier. In 2002 is ek oor na die SA Mediese Dienste as senior Tamboer Majoor van die SANDF.

As musikant was ek bevoorreg om, as AdHoc speler, saam met die meeste simfonie orkeste in die land te werk.

My militêre loopbaan het geleenthede gebied om verskeie kere oorsee te gaan. Baie spesiaal was Suid Korea en in 2005 is ek gevra om die Tamboer Majoor te wees vir die SA Irish Pipes and Drums by die Edinburgh Tattoo in Skotland. Beslis die hoogtepunt in my loopbaan.

Ek is getroud met Rene en het 3 kinders, Marcel, Tyla en Armand

Einde Januarie 2019 het ek afgetree en geniet dit baie, alhoewel ek nou 'n nuwe "pos" het as Kroegbestuurder by die klub. Dit hou my besig tydens my aftrede en ek geniet die samesyn met al die klublede.

Johan is 'n geliefde kroegbestuurder en speel ook 'n kompetender rolbal.

Baie dankie Johan, ons waardeer jou.

**Besprekings is altyd beter as argumente want argumente is om uit te vind wie reg is en besprekings is om uit te vind wat reg is.**

Stuur asb jou nuuswaardighede aan Mari Flint by [mari@veritasproperties.co.za](mailto:mari@veritasproperties.co.za) of praat met haar op 082 392 3123

Besoek gerus ons Webwerf by: [www.centurion.bowls-club.co.za](http://www.centurion.bowls-club.co.za)  
en ook by: <https://centurionrolbalklub.shutterfly.com>. (Fotos)

Neem ook kennis van die Klub se nuwe e-pos adres:

[secretary@centurion-bowls.co/za](mailto:secretary@centurion-bowls.co/za)

Wanneer u e-pos aan hierdie adres stuur sal dit minstens al die lede van die Dagbestuur bereik